

ბათუმის ნავიგაციის სასწავლო უნივერსიტეტის პროფესიული საგანმანათლებლო პროგრამით სწავლის მსურველთა რეგისტრაცია

ბათუმის ნავიგაციის სასწავლო უნივერსიტეტის (შემდგომში - ბნსუ) პროფესიულ საგანმანათლებლო პროგრამაზე სწავლისთვის აუცილებელია კანონმდებლობით დადგენილი მოთხოვნების დაკმაყოფილება და ბნსუ-ს მიერ განსაზღვრულ ვადებში რეგისტრაციის გავლა (სამუშაო დღეები: ორშაბათი-პარასკევი/შაბათი, 9⁰⁰ სთ-დან 18⁰⁰ სთ-მდე), სავალდებულო დოკუმენტების წარდგენა და ტესტირების (არსებობის შემთხვევაში) დაძლევა. ტესტირების არსებობის შემთხვევაში პირი ავსებს სარეგისტრაციო განცხადებას და წარადგენს სავალდებულო დოკუმენტებს, რის შემდეგ შემდეგ ბნსუ-ს ტესტირებაში (არსებობის შემთხვევაში) მონაწილეობას. კანონმდებლობით დადგენილი წესით ბნსუ-ს პროფესიულ პროგრამაზე სწავლის უფლების მოპოვების შემთხვევაში ჩარიცხვა შეიძლება მხოლოდ კანონმდებლობით დადგენილი წესით აღიარებული განათლების დამადასტურებელი დოკუმენტის და სამხედრო აღრიცხვას დაქვემდებარებული პირის მიერ სამხედრო აღრიცხვაზე ყოფნის დამადასტურებელი დოკუმენტის წარდგენის შემდეგ.

წარსადგენი დოკუმენტები

- სარეგისტრაციო განცხადება (შეიცავს საბუთების ჩაბარების დროს). არასრულწლოვანი პირის შემთხვევაში განცხადებას ავსებს მისი კანონიერი წარმომადგენელი;
- პირადობის დამადასტურებელი დოკუმენტის (პირადობის მოწმობის/ID ბარათის) დედანი და ასლი (უცხო ქვეყნის მოქალაქე - პასპორტის/პირადობის მოწმობის ასლი და სანოტარო წესით დამოწმებული თარგმანის დედანი);
- 4 ფოტოსურათი 3x4 და ელ. ვერსია (CD/DVD დისკზე);
- სამხედრო აღრიცხვას დაქვემდებარებულმა პირებმა, საქართველოს მოქალაქეებმა - სამხედრო აღრიცხვაზე ყოფნის დამადასტურებელი დოკუმენტი (დედანი და ასლი);
- კანონმდებლობით პროფესიული საგანმანათლებლო პროგრამის კონკრეტული საფეხურისთვის დადგენილის შესაბამისად: ზოგადი განათლების არანაკლებ საბაზო საფეხურის დაძლევის დამადასტურებელი დოკუმენტი (დედანი/სანოტარო წესით დამოწმებული ასლი) ან განათლების დამადასტურებელი ის დოკუმენტი (დედანი/სანოტარო წესით დამოწმებული ასლი), რომლის მიღებაც შეუძლებელი იქნებოდა ზოგადი განათლების საბაზო საფეხურის დაძლევის გარეშე, და წინა საფეხურის არსებობის შემთხვევაში - პროფესიული დიპლომი (დედანი/სანოტარო წესით დამოწმებული ასლი) / სრული ზოგადი განათლების დაძლევის დამადასტურებელი დოკუმენტი (დედანი/სანოტარო წესით დამოწმებული ასლი) ან განათლების დამადასტურებელი ის დოკუმენტი (დედანი/სანოტარო წესით დამოწმებული ასლი), რომლის მიღებაც შეუძლებელი იქნებოდა სრული ზოგადი განათლების მიღების გარეშე, და წინა საფეხურის (არსებობის შემთხვევაში) პროფესიული დიპლომის დედანი და ასლი;
- სხვა ქვეყნის საგანმანათლებლო დაწესებულებაში განათლების მიღების შემთხვევაში - განათლების დამადასტურებელი დოკუმენტის სანოტარო წესით დამოწმებული ქართულენოვანი თარგმანი და განათლების აღიარების დოკუმენტი (დედანი/სანოტარო წესით დამოწმებული ასლები);
- საზღვაო სფეროს პროფესიული საგანმანათლებლო პროგრამის შემთხვევაში - სამედიცინო შემოწმების ფორმა (დედანი/სანოტარო წესით დამოწმებული ასლი), რომელსაც დადგენილი წესით გასცემს სსიპ - საზღვაო ტრანსპორტის სააგენტოს მიერ შერჩეული სამედიცინო დაწესებულება (ჩამონათვალი განთავსებულია სააგენტოს ვებგვერდზე www.mta.gov.ge).

სწავლის მსურველთა საყურადღებოდ

- დანტერესებულ პირს შეუძლია გაეცნოს პროფესიული საგანმანათლებლო პროგრამის აღწერილობას (იხ. ბნსუ-ს ვებგვერდზე რუბრიკაში „სწავლა“ განთავსებული პროფესიული საგანმანათლებლო პროგრამების კატალოგი), გაესაუბროს პროგრამის ხელმძღვანელს, მიიღოს/დააზუსტოს ინფორმაცია პროგრამის შესახებ, მიიღოს რეკომენდაციები და სხვ. (იხ. „საკონტაქტო ინფორმაცია“);
- პირი, რომელმაც მოიპოვა ბნსუ-ში პროფესიულ საგანმანათლებლო პროგრამაზე სწავლის უფლება, ვალდებულია რეგისტრაციის ვადაში მიმართოს ბნსუ-ს, წარადგინოს შესაბამისი დოკუმენტები და გაიაროს რეგისტრაცია. პირი, რომელმაც ბნსუ-ს მიერ დადგენი ვადებში არ მიმართა ბნსუ-ს, არ წარადგინა სავალდებულო დოკუმენტები და არ გაიარა რეგისტრაცია, ვერ მოხდება რექტორის ერთიან ჩარიცხვის აქტში დადგენილ ვადაში ბნსუ-სთვის არმიმართვის გამო;
- საზღვაო დარგის საბაკალავრო საგანმანათლებლო პროგრამების შემთხვევაში ჯანმრთელობის შესაბამისი მდგომარეობა აუცილებელია პროფესიული საგანმანათლებლო პროგრამის სპეციფიკური კომპონენტების შესწავლისა და დაგეგმილი სწავლის შედეგის მიღწევისთვის. ჯანმრთელობის მდგომარეობა აისახება შესაბამის სამედიცინო მოწმობაში;
- ბნსუ-ში პროფესიული სტუდენტის ვალდებულებებისა და უფლებების, სტატუსის მოპოვების, შეჩერების, აღდგენის, შეწყვეტის და სხვ. საკითხები რეგულირდება შინაგანაწესით, რომლის გაცნობა და მოთხოვნათა შესრულება სავალდებულოა;
- საზღვაო-საინჟინრო ფაკულტეტის პროფესიული სტუდენტი ვალდებულია დაიცვას ბნსუ-ში ჩაცმულობის დადგენილი ფორმა.

საკონტაქტო ინფორმაცია

- მისამართი: ქ. ბათუმი, მახინჯაური, თამარ მეფის გამზირი №38
- ვებგვერდი: www.bntu.edu.ge
- ელ.ფოსტა: info@bntu.edu.ge
- საკონტაქტო ტელეფონი: +995 422 292 525
- ბნსუ-ში სამუშაო დღეები: ყოველდღე, შაბათ-კვირის გარდა;
- ბნსუ-ში სამუშაო საათები: 9⁰⁰ -18⁰⁰ სთ